



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA SUPREME E KOSOVËS
VRHOVNI SUD KOSOVA – SUPREME COURT OF KOSOVO

Numri i lëndës: 2023:022188
Datë: 26.12.2023
Numri i dokumentit: 05124497

C-IV.-13-2823

Ankuesi

A Q, Prizren.

Kundër

E paditura

Agjencia Kosovare e Privatizimit, rruga “Agim Ramadani”, nr. 23, Prishtinë.

Dhoma e Posaçme e Gjykatës Supreme të Kosovës për çështjet në lidhje me Agjencinë Kosovare të Privatizimit (Dhoma e Posaçme), gjyqtari Shkelzen Sylaj, me 26 dhjetor 2023, lëshon këtë:

A K T V E N D I M

- 1. Ankesa e ankuesit konsiderohet e tërhequr.**
- 2. Secila palë i bart shpenzimet e veta.**

Rrethanat faktike dhe procedurale

Me 31 tetor 2013, ankuesi përmes postes parashtror ankesë, kundër Vendimit të Autoritetit të Likuidimit (AL) PRZ041-0847 të datës 04 tetor 2013, në të cilën ka kërkuar kompensim për 49 paga të papaguara në shumë prej 7,101.08 €, nga N.SH “Liria” në likuidim.

Me 04 tetor 2018, e padituara ka parashtruar mbrojtje në padi duke pohuar se, pretendimet e paraqitura në padi nuk janë të mbështetura me dëshmi dhe fakte materiale që do të ishin relevante për rastin konkret. Mungesat e tilla, padinë e bëjnë të paqëndrueshme. I ka propozuar gjykatës që ta refuzoj ankesën e ankuesit si të pabazuar.

Me 08 nëntor 2023, gjykata lëshoj për ankuesin vërejtje për ta paguar taksën gjyqësore, duke e njoftuar ankuesin se nëse taksa nuk paguhen brenda periudhës së caktuar prej 15 ditësh, ankesa

do të konsiderohet e tërhequr. Komunikimi me ankuesin ishte i pamundur për shkak se ankuesi nuk gjendej në adresën dhënë si në ankesë.

Nga data 23 nëntor 2023, deri me 04 dhjetor 2023, gjykata bëri publikimin e njoftimit për pagimin e taksës në tabelën e shpalljes.

Arsyetimi ligjor

Ankesa e ankuesit konsiderohet e tërhequr.

Neni 76.4 i Ligjit Nr.06-L-086 Për Dhomën e Posaçme të Gjykatës Supreme të Kosovës parasheh:

Në interpretimin dhe zbatimin e këtij ligji, kudo që është e nevojshme për të zgjidhur një çështje procedurale që nuk trajtohet mjaftueshëm me këtë ligj, Dhoma e Posaçme do të zbatojë mutatis mutandis dispozita përkatëse të Ligjit mbi Procedurën Kontestimore.

Ankuesi konform dispozitës së nenit 253.4 të LPK-së ka për detyrë që ankesës t'ia bashkëngjis vërtetimin mbi taksën gjyqësore të paguar.

Në vazhdim dispozita 253.5 parasheh:

Në qoftë se paditësi nuk e paguan taksën gjyqësore të përcaktuar për padinë as pas vërejtjes së dërguar nga gjykata, edhe pse nuk ekzistojnë konditat për lirim nga detyrimi i pagimit të taksës gjyqësore, do të konsiderohet se padia është tërhequr.

Me 08 nëntor 2023, Gjykata përmes vërejtjes kërkoj nga ankuesi, që të bëj pagesën e taksës gjyqësore, duke e njoftuar se ankesa e tij do të konsiderohet e tërhequr nëse ai nuk e paguan taksën gjyqësore.

Ankuesit i është lejuar afati prej 15 ditësh që ta bëjë pagesën e taksës gjyqësore. Sipas vlerësimit të gjykatës, ky është një afat i mjaftueshëm kohor.

Ankuesi ka për obligim të paguaj taksat gjyqësore. Taksat gjyqësore aplikohen sipas nenit 63 të Ligjit të Dhomës së Posaçme në lidhje me udhëzimin e KGJK-së nr. 01/2017, lidhur me taksat gjyqësore.

Vërejtja ishte tentuar të dorëzohet ankuesit me 10,13 dhe 21 nëntor 2023, por nga ana e zyrtarit të postës është konstatuar se marrësi është shpërngulur, pra nuk gjendet në adresën e dhen si në ankesë.

Sipas nenit 116.1 të LPK-së, pala ose përfaqësuesi i saj, në qoftë se gjatë zhvillimit të procedurës apo para se të kalojë afati prej gjashtë muajsh pas përfundimit të procedurës me vendim të formës së prerë, e ndërrojnë adresën në të cilën bëhet dorëzimi i shkresave kanë për detyrë që për këtë

gjë ta njoftojnë menjëherë gjykatën. Në rastin konkret gjykata ka tentuar ta dorëzoj vërejtjen tek ankuesi në adresën e dhënë nga vet ai, por nga konstatimi i zyrtarit te postes del se ankuesi e ka ndërruar vendbanimin pra është shpërngulur nga adresa ku ishte me parë.

Nga data 23 nëntor 2023, deri me 04 dhjetor 2023, gjykata bëri publikimin e njoftimit për pagimin e taksës gjyqësore në tabelën e shpalljes, konform nenit 26.5 të Ligjit për Dhomën e Posaçme dhe nenit 116,5 dhe 116.6 të LPK-së. Komunikimi i gjykatës me ankuesin, i kryer në këtë mënyrë konsiderohet i rregullt.

Nga arsyet dhëna me lartë ankuesi nuk u përgjigj brenda afatit të caktuar prej 15 ditësh, e as deri me vendosjen e këtij Aktvendimi, prandaj u vendos si në dispozitiv të këtij Aktvendimi.

Shpenzimet Gjyqësore

Në pajtim me nenin 62.5 të Ligjit të Dhomës së Posaçme (Ligji nr. 06/L-086), secila palë i bart shpenzimet e veta.

Këshillë juridike

Kundër këtij aktvendimi mund të parashtrohet ankesë me shkrim në Kolegjin e Apelit të Dhomës së Posaçme brenda 15 ditëve nga pranimi i këtij aktvendimi. Ankesa duhet të dorëzohet në bazë të nenit 9.6 të Ligjit për Dhomën e Posaçme.

Shkelzen Sylaj, Gjyqtar